

貞

說

文

分

類

考

考



西
齋

卷

中

說文分類權失卷四

嘉定錢大昭晦之甫著

臆說之失

以無詩為亡詩

鄰幾襟志云劉原甫謂南陔白華六篇有聲無
詩故云笙不云歌也有其義亡其辭非亡失之
亡乃无也

以求莫為求瘼

匡謬正俗云大雅皇矣篇求民之莫毛傳莫定



也鄭箋求民之定謂所歸就也末代之士引此屬詞者改莫為瘼從而釋之曰求瘼謂其疾苦耳至乃呼刺舉宰牧為求瘼既易本字妄為肌說相承用之曾無覺寤

以寶刀為寶力

顏氏家訓云春秋僖元年穀梁傳孟勞者魯之寶刀也有姜仲岳讀刀為力謂公子左右姓孟名勞多力之人為國所寶與吾苦諍清河郡守邢峙當世碩儒助我證之赧然而服

以藩城維為藩維

匡謬正俗云維字本是助詞如維師尚父維彼哲人此類多矣今文學之士乃言宗子維城謂屏藩維繫連城之義耳乃呼帝子弟為王者藩維既無所據大為謬矣

以環堵為環佩以木刊為水利

日知錄云偶見焦氏易林舊刻有曰環緒倚鉏乃環堵之誤注云緒疑當作佩井堙水利乃木刊之誤注云刊疑當作利其淺陋乃如此

以犯為从戊己

犯字从己張參五經文字以為从戊己之己
以般為取丹青

般字从舟顏師古注漢書般紛紛其離尤以為
从丹青之丹誤本玉篇

以子衿為衾以竈突為突

說文長箋云衿即衾突即突

貪多之失

切韻之三百體雜廁部居

王存又切韻首列三百六十體部居雜廁

謙字之二十形好為奇異

李陽冰書謙卦碑謙字凡二十見無一同者如

以噍譎誦代謙字之類世多疑之

七十一家之書忠恕都為依據

郭忠恕汗簡所引者七十一家詹事兄曰鐘鼎
真贋雜出可采者僅十之一至如岫巖文滕公
石室文崔彥裕纂古之類似古實俗

十五萬言之籍孫強又欲增加

梁顧野王撰玉篇三十卷好收俗字著錄者至
一十五萬八千六百四十一言唐處士孫強復
增五萬一千一百二十九言益多不經之字矣
正度則雜字有書

僧正度撰雜字書八卷見唐書藝文志

顯卿則雜字有指

郭顯卿有雜字指一卷

張推則俗音可證

推撰俗音三卷顏愍楚作證俗音畧一卷

王劭則俗語可編

隋王劭有俗語難字一卷唐書藝文志以為李

少通撰

出七十五篇於魏家真偽莫分傳五十二體于蕭

家穿鑿孰正

蕭子雲有五十二體書一卷郭恕先謂其多穿

鑿也

淺率之失

楊子雲之識字務在好奇

漢書楊雄傳劉棻嘗從學雄作奇字
韓退之之為文僅云略識

科斗書後記

顏元孫未知符融之符

符融其先魯頃公孫仕秦為符璽郎以符為氏
符堅其先本姓蒲其祖以識文改為符干祿字
書云从艸者為姓从竹者為印蓋未知符融之
姓符也

陸士衡不識樹背之背

詩云焉得諼艸言樹之背毛傳背北堂也謂于
堂北種之以忘憂耳陸機詩焉得忘憂艸言樹
背與襟乃欲於身體前後種之此大謬也

以鷓鴣為惡鳥

詩鷓鴣鳥本是女匠郭注爾雅以為鷓類已浮
混不清後人注毛詩竟以為惡鳥攫鳥子而食
寃哉此鳥也

以終葵為葵葉

顏氏家訓云韓晉明嘗問一士族曰玉珽杼上

終葵首當作何形乃答曰珽頭曲圜勢如葵葉耳韓既有學忍笑為吾說之

以六駮為指獸

秦風隰有六駮陸璣疏云六駮木名其皮青白駮犖遠而望之似六駮之獸因以為名其木則梓榆也毛直以為獸之六駮則與苞櫟棣棣不相類故陸不從

以勺藥為無香

鄭風贈之以勺藥毛傳香艸也陸璣曰無香氣

蓋醫方但用其根陸不識其華故云無香

疑古之失

顏介非一莖六穗之藁

家訓

戴侗議不行而進之前

六書故

鄭漁仲論武非止戈之非反正

通志六書畧

顧寧人譏童非有罪弔非持弓

見日知錄案秋官司厲云其奴男子入於臯隸
女子入於舂槁鄭司農云今之奴婢古之罪人
也童僕與奴婢同且其字从亓亓臯也故許君
云尔顧氏譏之誤說文弔問終也古之葬者厚
衣之以薪从人持弓會毆禽案吳越春秋云善
射者陳音曰臣聞弩生于弓弓生于彈彈起古
之孝子古者人民朴質死則裹以白茅投於中
野孝子不忍見父母為禽獸所食故作彈以守
之絕鳥獸之害顏師古注急就篇亦云上古葬

者衣之以薪無有棺槨常苦禽獸為害故弔問
持弓會之以助彈射顧氏譏之亦是誤也

泥古之失

薛尚功以商鼎為皆真

鐘鼎彝器款識法帖

王子弁以漢鑑為無偽

王休嘯堂集古錄

張舜民以方鼎為夏時器

金石錄云方鼎銘藏岐山馮氏張侍郎舜民云

夏時器也字畫竒怪不可識
劉原父以酉銘為張仲作

趙德甫曰原父于是正之學號稱精博惟以意
度之故不能無失耳

董彥遠以虎彝為非虞是周

李公麟得虎彝呂大臨以為即尚書宗彝虞氏
器也董道以為周人裸用虎彝雖彝蓋周所制
也見廣川書跋
趙德甫以六器為周初商末

金石錄云重和中安州民耕地得六器方鼎三
圓鼎二甗一皆形製精妙欵識竒古若非商末
即周初器也

新附之失

梵刹僧塔西域之野文釵釧襖衫閨閣之俗號勘
辦椿打出於吏牘拋攤賭謎行于街談
此八句見潛研堂文集答問

繾綣逍遙崑崙邂逅皆有經典之正文

繾綣當作緊綦楚詞九思云心緊綦予傷懷王

逸章句緊綦糾繚也一作縲綬說文緊纏絲急也綦攘臂繩也逍遙當作消搖鄭風清人云河上乎逍遙釋文云本又作消搖檀弓消搖於門單行本釋文云本又作逍遙莊子逍遙游篇釋文本亦作消搖開母廟石闕銘則文耀以消搖崑崙書織皮崑崙史記夏本紀作崑崙命邂逅當借用辭若唐風見此邂逅釋文單行本作邂逅靚云本亦作解逅韓詩云解靚不固之兒璫璫芙蓉蹉跎個儻悉是辭章之綺語

璫璫當作萃蔡漢書司馬相如傳翕呶萃蔡郭璞曰萃蔡猶璫璫也李善注嵇康琴賦引作翕呶翠粲是翠粲亦璫璫之異文也芙蓉當作夫容漢書司馬相如傳作夫容應劭曰蓮華也又揚雄傳被夫容之朱裳蹉跎古通用差池個儻當作倣黨漢書郊祀歌云志倣儻精權竒司馬相如傳倣黨窮變倣黨即個儻也又董仲舒傳黨可得見乎伍被傳黨可以徼幸師古曰黨讀曰儻揚雄傳黨鬼神可也于定國傳咎黨在是

乎夏承碑魂黨有靈俱作黨詹事兄曰亦作瞻
曠說文瞻失意視也曠目無精直視也

姤卦本遘

古姤卦作遘惟王弼本作姤

梔木本梔

梔黃木可染者史記貨殖傳卮茜千即此徐鉉

于梔字音過委切而新附梔字非也

蟋蟀本悉

說文注作悉

螳螂本當

月令仲夏螳螂生鄭注螳螂螬蛸母又釋蟲不

過當壤其子婢蛸鄭志王瓚問曰莫貉螳螂同

類物也今沛魯以南謂之當壤三河之域謂之

螳螂然其子則同云螬蛸玉篇當壤螳螂之別

名說文既有當字故不復收螳

犗牛本童

今易作童

號貓本苗

釋獸虎竊毛謂之虢貓說文虎部引作苗
九罭本闕

罭當作闕莊子天下篇其風窸然釋文字亦作
罭又作闕是闕與罭同張衡西京賦設九罭李
善曰罭與絨古字通大昭案絨字說文所無字
當為或或之重文為域與罭同音俗儒因其為
捕魚之器加网為罭李善作絨者域之譌也

八侑本溢
侑當作溢漢書郊祀志千童羅舞成八溢師古

曰溢與侑同

十笏本回

回籀文回佩也鄭氏尚書云予欲聞六律五聲
八音在治芻注云芻者臣見君所秉書思對命
者也穆天子傳云帔帶摺芻

九齡本聆

文王世子篇夢帝與我九齡釋文單行本作九
聆云本亦作齡漢樊毅脩華嶽廟碑垂曜萬齡
作聆

蔬食本疏

述而篇飯蔬食釋文本或作蔬憲問篇飯蔬食
釋文本今作疏

餽餘本簞

儀禮注古文簞皆作餽說文簞具食也或作饌
鄭注論語饌作餽是餽為古文饌也

蟪蛄本惠

莊子消搖游云惠蛄不知春秋釋文惠本亦作
蟪同司馬彪云惠蛄寒蟬也

蟻蒙本蔑

漢書楊雄傳浮蔑蟻而撒天後漢書張衡傳浮
蔑蒙而上征文選作蟻蒙

虛鰈本鰈

釋地東方有比目魚焉不比不行其名謂之鰈
釋文鰈或作鰈同說文鰈虛鰈也上林賦謂之
魼郭注魼比目魚也狀似牛脾細鱗紫色兩相
合乃得行玉篇魼魚也亦作鰈鰈比目魚也鰈
同上大昭案鰈者鰈之壞字韓詩外傳以鰈為

鯀攷說文玉篇廣韻諸書皆不以鯀為比目魚
蓋與鮞形相似而致誤

文魮本玼

山海經曰文魮之魚其狀如覆鉢鳥首而翼魚
尾音如磬石之聲是生珠玉郭注魮珠母蚌類
禹貢蠙珠說文作玼珠即此矣

幄帟奔弁

天官幕人掌帷幕幄帟綬之事案周書王會解
墀上張赤弁作弁

旗幟本識

史記高祖本紀旗幟皆赤索隱曰墨翟云幟帛
長丈五廣半幅字詁曰幟標也幟或作識或作
志大昭案志字徐鉉所補古用識字或作織假
借用耳

魑魅本螭

宣三年左傳作螭釋文云螭山神也

么麼本𧈧

漢書班彪傳又况么麼尚不及數字晉灼曰此

骨偏膺之膺大昭謂么言其小膺言其病猶詩
言既微且瘡也晉說得之說文本作骸隸變移
麻於骨字之上

楚些本些

釋詁些此也釋文郭音些廣雅些詞也曹憲音
息計息詁二切謂語餘聲知些即些也

巴斂本俞

漢書禮樂志巴俞鼓員三十六人

狂狷本猿

說文猿疾跳也一曰急也

劬勞本趨

說文趨走顧兒讀若劬走顧則勞音義俱合或
通用疴疴曲脊也有勞義

謏聞本宵

學記云足以謏聞不足以動衆鄭注謏之言小
也史記三王世家云毋邇宵人索隱曰邇誕生
宵音謏謏亦小人也大昭案宵謏聲相轉

謹言本當

詩文分類補注 卷四
孔安國益稷傳云故使禹亦陳當言釋文當本亦作謹李登聲類云謹言善言也

左塾本埠

後漢書齊武王傳云王莽使長安中官署及天下鄉亭皆畫伯升像於塾旦起射之注云東觀記續漢書並作埠知埠即塾字

坳堂本突

釋元應衆經音義云凹凸字出葛洪字苑倉頡篇作突突突塾下也烏交切突不平也知突即

坳堂之坳

閱閱本伐

漢書車千秋傳又無伐閱功勞

臺榭本謝

書宮室臺榭釋文本又作謝荀子王伯篇云臺謝甚高園囿甚廣楊倞曰謝與榭同

疏篔本比

史記索隱引倉頡篇麤者為梳密者為比急就篇鏡筴疏比各異工又見釋名

巾幘本幘

徐鍇曰幘是妝奩筐篋之屬大昭案釋名奩恢也恢廓覆髮上也魯人曰頰頰傾也齊人曰幌續漢書輿服志黃金鑷左右一橫簪之以安奩結鄭注士冠禮云滕薛名奩為頰然則幘是首飾之物非筐篋之器徐說非也

琲珠本蜚

玉篇琲珠五百枚也亦作蜚

橐本柶

曲禮內則俱有男女不同橐柶之文陸氏釋文於內則篇云本又作柶說文柶訓落其字承柶之下當解為藩落之落非虛字也釋器竿謂之箠李巡本箠作箠

鈞砌本切

後漢書班固傳元墀鈞切文選作鈞砌張衡西京賦左城右平注城音切砌又設切厓隙李善曰切古通砌砌城皆說文所無即切字

填館本饜

戴侗說鎔與埤聲義相近然則古用鎔字
塗泥本塗

荀子榮辱篇臣塗則讓小塗則殆說文概仰塗
聖白塗周憬功勳銘行旅語于塗陸張平子碑
垂名于一塗魏大饗碑陳其清塗皆用塗

疆場本易

周禮有疆地易地漢書食貨瓜瓠果蓏殖于疆
易呂君碑謹守疆易皆作易

紺緞本纚

詹事兄曰或問君子不以紺緞飾孔安國曰一
入曰緞三年練以緞飾衣為其似衣喪服故不
以為飾衣邢昺以緞為淺絳色據周禮五入為
緞則緞非淺絳且練衣不以緞飾緣何故曰孔
氏經文當是縗字爾雅一染謂之縗即孔所云
一入也檀弓云練練衣黃裏縗緣注云小祥練
冠練中衣以黃為內縗為飾即孔所云三年練
以飾衣者也然則孔本經注皆當作縗不作緞
矣攷工記鍾氏三入為纁五入為緞注謂染纁

言文分類卷四
者三入而成又再染以黑則為緇緇今禮俗文
作爵言如爵頭色也先鄭司農以論語君子不
以紺緇飾證五入為緇之文則先鄭所受論語
本作緇與孔本異也士冠禮爵弁服注爵弁色
赤而微黑如爵頭然或謂之緇許氏說文無緇
字而有纁字云帛雀頭色一曰微黑色如紺纁
淺也古人纁與才通才亦讀為哉與爵聲近則
緇纁爵三者同物灋灋雙聲字詞賦家往往用
之賈公彥云三入之纁入赤汁則為朱若不入

赤而入黑汁則為紺更以此紺入黑則為緇紺
緇同類故連文言之今本論語作緇古文作纁
微黑為緇淺絳為纁不能混而一之自何晏集
解采孔注而經文仍從緇字又為改注文之纁
亦為緇而二文相亂邢氏知孔讀緇為纁又云
一入曰緇未知出何書此知二五而不知十也

馥芬芬苾

毛詩苾芬孝祀韓詩作馥薛君章句云馥香兒
見文選蘓武古詩注知馥即苾字

捷為本捷

揚君石門頌馮緄碑捷為並从木

胸忍本胸

徐鉉新附胸腮二字云胸腮蟲名漢中縣按漢書地理志巴郡胸忍師古曰胸音劬後漢郡國志同曹全碑巴郡胸忍令張納功德敘胸忍蠻夷皆其證也徐氏改胸為胸改忍為腮音為潤蠢而謂此縣地下多此蟲因以為名已屬臆說且誤巴郡為漢中所未詳也

炮烙本格

漢書谷永傳榜箠瘠于炮烙

礪礪本厲

詩篤公劉取厲儒行篇砥厲廉隅哀十六年左傳勝自厲劍皆作厲

竹筠本縑

攷工記梓人云上綱與下綱出舌尋縑寸焉鄭司農云縑籠網者縑讀為竹中皮之縑說文縑持綱紐也此即古筠字

露溥本團

鄭風零露溥兮釋文本亦作團團團然盛多也

浹洽本挾

釋言浹徹也詩使不挾四方毛傳挾達也達即

徹避漢諱荀子儒效篇盡善浹洽之謂神揚倥

曰挾讀為浹

賻助本傳

周禮小行人注云故書賻作傳

貽贈本詒

邶風自貽伊戚阻毛傳貽遺也釋文本亦作詒

劉向傳引詩詒我釐麩作飴假借用尔

瞻給本澹

史記司馬相如傳漉沈瞻菑索隱曰漢書作灑

沈澹灾漢書食貨志猶未足以澹其欲也師古

曰澹古瞻字古亦作瞻禮記大傳篇民無不足

無不瞻者釋文單行本作瞻

車轍本軼

莊子人間世云螳螂怒臂以當車軼釋文音轍

漢書文帝紀結徹于道史記作軼史記田完世家伏軾結軼西馳者未有一人索隱曰軼者車轍也言車轍往還如結也古亦通用徹史記陳平世家門外多有長者車轍漢書作徹老子善行者無轍迹傅奕本作徹梁武帝曰應車旁今徹古字少也

楫櫂本濯

漢書百官表上林苑有輯濯令丞師古曰輯與楫同濯直教切皆所以行船

柔鞞本刃

月令禮器注俱作刃今此假借也將仲子詩毛傳檀彊鞞之木釋文單行本作彊忍云本亦作刃同依字木字旁作刃今此假借也沈重云系旁作刃為是大昭案据陸氏說則唐初經典無鞞字

主辦本辨

攷工記或審曲面執以辨民器注云辨猶具也特牲饋食禮宗人告有司具鄭注具猶辨也史

說文分類考 卷四
記秦始皇本紀倚辨于上項羽紀項梁常為主
辨皆作辨

銘旌本名

祭統曰銘者自名也春官小祝云設熬置銘注
云銘今書或作名既夕禮注云今文銘作名

詢謀本詢

說文詢古文作詢詢與均古字通用豐卦初九
雖詢无咎均也荀爽作勻劉昞作均周禮均人
職豐年則公詢用一日焉注詢均也易坤為均

今書亦有作詢者均之省即為勻說文詢字即
詢字也

刀鞘本削

衆經音義引倉頡篇削盛刀者也方言劍削自
河而北燕趙之間謂之室自關而東謂之削小
爾雅刃之削謂之室釋名刀其室曰削削峭也
其形峭殺裹刀體也漢書貨殖傳質氏以洒削
而鼎食師古曰削謂刀劍室也

日暈本暉

說文暉光也春官眡祲掌十輝之灋以觀妖祥
 辨吉凶輝音運鄭司農云輝謂日光氣也然則
 日光為暉日氣亦為暉也軍有暉運二音皆从
 軍得聲日旁軍與日下軍非有異義齊張景暉
 造像記碑景暉又作景暈是其證也俗儒以日
 旁者為暉光音許歸切日下者為日月氣皆王
 問切非也

糟粕本魄

莊子天道篇然則君之所讀者古人之糟粕已

夫釋文魄普各切司馬彪曰爛食曰魄一云糟
 爛為魄本又作粕音同許慎云粕已漉麤糟也
 大昭案許慎云云當是淮南子注文

妃媿本牆

哀二年左傳宿有妃媿嬪御焉釋文媿本又作
 膺或作牆唐石經作牆漢隸引旁字或變作广
 膺牆實一字詩兄弟鬩于牆釋文本或作膺

稱債本責

天官小宰稱責昭二十年左傳薄斂已責釋文

本亦作債同史記高帝紀此兩家常折券棄責
漢書食貨志於是有賣田宅鬻子孫以償責者
矣

獻琰本淡

碧落碑創巨徒琰借琰為淡是淡琰古通用

嫠婦本釐

巷伯詩傳鄰之釐婦釋文釐依字作嫠襄二十
五年傳嫠也何害昭十九年傳已為嫠婦釋文
並云本又作釐

眸子本牟

荀子非相篇堯舜參牟子淮南說山訓杯水見
牟子孟子莫良于眸子陸氏翼孟音解讀為牟
子

東廂本箱

觀禮云俟于東箱漢書周昌東方朔金日磾
錯楊雄等傳皆作東箱惟爾雅作東廂

峻嶺本嶺

漢書俱作嶺蘭亭石刻亦作嶺

詞文分類卷之四
伺候本司

地官媒氏司男女之無夫家者而會之注云司猶察也

羊瞑本仵

楚詞九懷云遠望兮仵瞑即俗間羊眠也

蕝事本苟

文十七年左傳以蕝陳事杜注蕝敕也蕝當為苟之譌苟已力切自急救也

迄今本汜

民勞詩汜可小康三國志辛毘傳引作迄是迄

汜古今字

祖禰本昵

書曰典祀無豐於昵馬融曰昵考也謂禰廟也

說文暱日近也昵或體字

廟廊本郎

漢書董仲舒傳游於巖郎晉灼曰堂邊廡巖謂巖峻之郎也司馬相如傳陛下築郎臺恐其不

高師古曰郎堂下周廂

荀卿本郇

荀即郇瑕氏之郇晉之荀氏其後也

石碣本踏

左傳石踏漢石經公羊殘碑作踏隸釋云板本

作碣

怠遑本皇

詩谷風遑恤我後左傳表記並引作皇漸漸之
石云不皇出矣不皇佗矣俱作皇襄八年左傳
不遑寧處開成石經作皇漢書律曆志秦兼天

下未皇暇也儒林傳亦未皇庠序之事也師古

曰皇暇也

市價本賈

張有曰當作賈

琬璋本璫

釋器璋大八寸謂之琬說文璫玉器也讀若淑

故知璫即琬也

搢紳本薦

史記封禪書搢紳者不道索隱曰鄭眾注周禮

言文分類卷四
云措讀曰薦謂垂之于紳帶之間今案鄭意以措為薦則薦亦是進進而置子紳帶之間故史記多作薦也大昭案古者薦進同音音同故義亦通職方氏揚州其利竹箭注云故書箭為晉又大射儀云綴諸箭注云古文箭作晉釋名箭進也說文翦滅字作戩是薦晉同音也

闕靜本空

詹事兄曰孟喜易作空其無人許稱易主孟氏故不別其出闕字虞翻訓空為空翻世習孟氏

易當亦用空空本訓塞反訓為空猶亂訓志但訓存也

顛倒本到

士喪禮祭服不倒開成石經作到

闕闕本營

詹事兄曰說文營訓市居營有環音故齊詩子之營子與閒肩為韵韓非子倉頡之作是書也自環者謂之私背私者謂之公說文引作自營為私背私為公是營即闕也

塘隄本唐

周語陂唐汚庫以鍾其美韋昭曰唐隄也

高門有閼本伉

大雅縣云高門有伉毛傳伉高貌釋文本又作

亢韓詩作閼

遠廟為桃本濯

春官守桃注云遷主所藏曰桃故書桃作濯鄭

司農濯讀桃

君子屢盟本婁

小雅巧言云君子屢盟釋文本又作婁周頌云

桓云屢豐年開成石經作婁

豔妻煽處本偏

說文偏熾盛也引詩豔妻煽方處

遐不謂矣本瑕

表記引詩作瑕

詎能入乎本巨

漢書高帝紀沛公不先破關中公巨能入乎師
古曰巨讀曰詎大昭案巨通作渠史記張儀傳

且蘓君在儀寧渠能乎裴駟曰渠音詎索隱曰古字少假借耳

賈用不售本讎

史記高祖紀高祖每酤留飲酒讎數倍集解如淳曰讎亦作售索隱樂彥云借讎為售蓋古字少假借耳今亦依字讀漢書宣帝紀所買家輒

大讎師古曰讎讀田售

其容有蹇本蹴

詩江有汜箋嘯蹇口而出聲釋文本亦作蹇曲

禮以足蹇路馬芻釋文本亦作蹇禮器不然則已蹇釋文本亦作蹇

家人嗃嗃本嗃

劉表易作嗃

有車駢駢本鄰

秦風作鄰

雨雪霏霏本糞

說文糞毛紛紛也

蘊隆熒熒本蟲

毛詩作蟲韓詩作烟唯爾雅作燧

小山岌大山本駮

說文駮讀若小山駮大山岨

嵩高為中嶽本崇

漢書郊祀志以山下戶三百封密高為之奉邑

師古曰密古崇字

璧大六寸之瑄本宣

釋器作宣釋文本或作瑄詛楚文用古玉宣璧

此宣字疑籀文

馬高八尺之駮本戎

釋獸作戎釋文本亦作駮

說文分類權失卷四終

言文分類本

田

田

